



**Antoninus Diana Panormitanus, Clericus Regularis, Doctor
Celeberrimus, Coram S. D. N. Alexandro VII. Episcoporum
Examinator, & Sancti Officij Regni Siciliæ Consultor,
Coordinatus, Seu Omnes ...**

Diana, Antonino

Lugduni, M. DC. LXXX.

83. An baptizati in periculo mortis debeant postea in Ecclesiis cæremonias omissas supplere? Et an si quis omittet supplere in Ecclesia solemnitates omissas in privato Baptismo, secluso scandalo, non ...

[urn:nbn:de:hbz:466:1-76393](https://nbn-resolving.de/urn:nbn:de:hbz:466:1-76393)

De Sacram.Baptism. Resol.LXXXIII.&c. 55

2. Sed quicquid sit in illis partibus Germaniae ubi saepius obsterices sunt fortilega, tamen in nostris partibus Sylvij doctrina non admittitur. Sed obsterices diligenter examinantur, ne error aliquis contingat, & non comperto, postea in Ecclesia suppleretur solemnitates omissas ; diligentia vero cum supradictis facienda est à viris doctis, & interrogandi sunt individualiter de omnibus necessariis ad conficiendum Baptismum, videlicet de veritate forma, de quantitate aquae, & de parte corporis, ubi infans fuit baptizatus.

RESOL. LXXXIII.

An baptizati in periculo mortis debeant postea in Ecclesia ceremonias omissas supplere ?

Et an, si quis omittet supplere in Ecclesia solemnitates omissas in privato Baptismo sceluso scandalo, non peccet nisi venialiter ? Ex part. 5. tr. 3. Ref. 6.

§. 1. Respondeo affirmativè, ut constat ex usu Ecclesiar, & colligitur ex c. 1. de Sac. non iterando. Atque hoc etiam de exorcismis intelligendum esse docet Richardus in 4. disp. 6. art. 6. q. 1. Vivaldus in candelabro de Bapt. n. 18. Victoria de Bapt. n. 38. & habetur in Pastorali Romano, eo observato, ut cum Minister homini baptizato demonis ejectionem, atque gratia celestis donum precatur, intentionem suam referat ad perfectiorem diaboli, qui nunquam omnino infestare desistit, repulsam, uberioraque gratia celestis communicationem ; ut proinde non intelligam, cur dixerit Paulus Comitolus lib. 1. resp. moral. q. 12. facilius fore, & maximam Sacramenti injuriam, si Parochus pueri privatum baptizato, postea in Ecclesia exorcismos ad demonem profligandum adhibeat ; arque hoc quidem doctrina de supplendis ceremoniis observari debet tempore pestilentia cessantis ; cum enim infantes ex matribus peste infectis editi, in magno repentina mortis periculo versentur, frequenter accidit, ut privatin baptizati debeant, neque tunc vacat semper Sacerdotibus omissas ceremonias in templo supplerere, ideoque post pestilentiam, si supervivunt, ad Ecclesiam ducent enim, & hac omnia docet Layman lib. 5. tract. 2. cap. 8. n. 9.

2. Notandum est tamen, Possessum de Officio Curati, cap. 6. n. 23. docere, quid si quis omittet supplerre in Ecclesia solemnitas, omissas in privato Baptismo, secluso contemptu non esse nisi peccatum veniale.

RESOL. LXXXIV.

Qui sub nomine Principum in Rituali Romano Pauli V. & in Clementina unica de Baptismo intelligentur, ut eorum filii extra Ecclesiam in domo baptizari possint ? Ex part. 9. tr. 6. & Misc. 1. Ref. 37. alias 38.

§. 1. Puto sub nomine Principis etiam intelligi Duces non recognoscentes Superiores, ut Dux Munitio, Dux Parmensis. Sed Pater Quintanadueñas in Theolog. moral. tom. 1. tract. 1. singul. 21. num. 3. ampliat vocabulum Principis : ait enim : Non ita strictè sumendum esse nomen Principis, nonnulli judicabant, cum Privilegium Principis latè sit interpretandum : sed filii Dūcum, seu los hijos de los Duques, y grandes de Espana, & de

otros grandi Potentados de otros Reynos ; seu, ut loquitur Granado tract. 4. dub. 4. Potentatus nobiles, possent ut hoc privilegio : præsertim si adit dispensatio, vel potius interpretatio : aut epicheia juris communis ab Episcopo facta, cum illud ob exiam nobilitatem, & dominus splendorem Principibus concedatur, ut innuit Glossa hic : & Vocabularia utriusque Juris, Principum nomine quemlibet sacerularem Dominum, ut 33. quæst. 5. & Prelatum Ecclesiæ, ut dist. 33. cap. Ecclæste, comprehendere doceant. Unde omnes filios, ac nepotes Dūcum, Marchionum, Comitum, & de otros Señores de titulo, con dominio superior, y vassallos, vel eorum, qui ratione muneris Principatum, seu præexcellenter honorem, aut prærogativam habent, ut Vicereges, Oratores Regum, vel Pontificum, vulgo, los Embaxadores, necnon supremi Praesides Senatus Regij Castellar, & forsitan aliorum, ut Ordinum, Indiarum, Belli, & Justitiae, dum hoc honeste, ac familia splendor fruuntur ; ac his similes, sub hoc nomine non improbabiliter contineri aliqui forte existimabunt.] Ita ille.

2. Sed ejus opinio mihi non placet, & oppono Granadum ab ipso citatum in 3. part. contr. 4. tr. 6. n. 2. ubi sub nomine Principum assertur, quid comprehenduntur Potentatus nobiles, qui Regibus æquiperantur, ut sunt Dux Venetiarum, Dux Florentia, Dux Munitio, & alij, quos dixi supra ; non autem, ut vult Quintanadueñas, licet cum formidine, Magnates Hispaniarum, Oratores Regum, Praesides, Senatus Regij Castellar, & Ordinum, Indiatum, Belli, & Justitiae ; nam ista persona non æquiperantur Regibus, ut loquitur Granado, inquit subjecti sunt Regibus, ut eorum vassalli. Ergo non possunt includi sub nomine Principum. Et ideo Castrus Palauus tom. 4. tr. 19. disp. unica, punct. 12. num. 16. sic ait : [Grave peccatum committeret, seclusa necessitate, qui extra Ecclesiam in privatis Oratoris hoc Sacramentum solerint ministraret. Excipiuntur Regum, & Principum liberi, id est, filii, & nepotes, tam naturales, quam legitimi superñorum Principum, hoc est, illorum, qui alteri subjecti non sunt.] Ita ille, cui etiam additum Franciscum Sylvium var. refol. tom. 1. verb. Baptismus, 4. concl. 1. in fine. Ergo omnes personæ numeratæ à Quintanadueñas non includuntur sub nomine Principum ; quia, ut dixi, alteri subjecti sunt. Et pro hac sententia Palauus adiuxit Glossam, S. Valquez, Layman, Coninch, & Suarez : verum in gratiam Patris Quintanæ asserto, post ipsum eandem sententiam docere doctum Zipeum tom. 2. lib. 3. tit. de Baptismo, resp. 1. num. 2. ubi ait, quid in nostro casu sub nomine magni Principis, non tantum supremi, & his ferè proximi ; sed & tituli eminentes intelligi posse videntur.

RESOL. LXXXV.

An licet baptizeni filii Hæreticorum, si sub cura parentum probabilitate timeatur periculum perversionis eorum ? Ex part. 3. tract. 4. Ref. 7.

§. 1. Negativam sententiam docent Fernandez de Heredia disput. de sacram. Baptismi part. 7. dub. 3. n. 8. & Coninch. de Sac. quæst. 68. art. 10. dub. unico num. 81. ubi sic assertur : Quando aliqui hæretici, vel apostatae habitant in iis locis, in quibus liberè exercent suam Religionem extra periculum mortis, eorum filii, non sunt baptizandi.

E 4. nū